

銅鼓書常遺稟

銅鼓書堂遺藁卷十九

宛平 查禮 恂叔

甲午十月起

歸自果羅克旋有西徼之行十月十六日晚發成都至郫縣宿

適從塞上歸復作邊外行關山有定在人跡自紛更耳邊  
怪語熟夷落無美名蠻觸豈天性 王事慣遠征東褒辭  
錦里搖鞭指青城行行過犀浦日落村火明歇鞍投古縣  
又了第一程薄醉擁衾坐寒月澹吟情

過楸坻徐匯川司馬刻戎馬書生篆印見貽賦謝

小印徑方寸布指力追古酷摹斯相文妙入金石府褒東

匯川極能事直接鈍丁別號武鈍丁蒼拙趣盡歸褒東

譜何意戎馬閒物爲好者聚書生從戎來歲月老蠻部烽  
火紅朝昏席硯難自主行勝冒鋒鏑臥榻殷戰鼓閒偷翰  
墨娛忘與老兵伍素紙畫煙雲當杯聽風雨每不廢六書  
鐵筆思一舞對此襲重緹一日三摩撫

大板招軍營觀林軼千太守所藏徐青藤畫

營門沸柝聲霜華逼寒宇星搖月西落四山列烽炬拂廬  
閉氊帳閒參七子語兵法貴神奇脫兔如處女語罷別無  
事圖書張幕府梅英春自寒蕉葉冬自腐冬爛芭蕉雪苗芽隔牆春笑老  
梅花青藤題畫句也青藤思不羣畫古詩亦古惜未共今宵濡毫畫  
貌虎寶劒鳴匣中酌酒更起舞

蜜蠟卡拉木新營見月與琴德吏部同賦

纖纖玉玦挂營邊滿耳笳聲促控弦此地誰曾吟古月相

看兩鬢各蒼然

十一月十五日侵曉歸至成都

寒雞夜半啼征夫夢初醒我車旣云駕路白霜華凝回首  
落月邊雪峯轉晦暝遠寺動疎鐘鏗然入幽聽款城門未  
開人呼水聲應晨光景微茫鳥飛觸吟興到家兒孫迎童  
僕方掃徑卸馱無他裝圖書壓歸乘

與陸赤南寒夜小酌

客館愁寒夜歸人白髮增樽餘問字酒酌就讀書燈詩意  
三更月交情六月水談深忘漏永童僕喚無響

成都寓館讀書

年六十事戎馬閱五秋館久假得過且過借書寫我不願  
對萬戶侯復不願領山水州但願擁書萬卷讀盡破日日

坐臥如與蟬魚游

荅泰安朱穎叔太守

我昨回西徼忽得故人書書外佐以詩字字情辭腴爲言  
遠離別雲樹縈嗟吁飛鳥爪跡改黃鵠鳴音孤僂指三秋  
隔鬱鬱懷未攄慨焉眷舊遊錦里江花疎戕睂天半月依  
依照荒墟遙思禮樂俗風景較蜀殊昨經壽張變姦民僉  
伏誅賊屍雖焚烈州縣膏已枯四野塵氛靖編氓謀安居  
皇恩疊拯救牧守頻呵噓急切培元氣老弱竝感呼禮也  
勞瘁人在蜀忝分符從軍閱四載儲糒供轉輸衰顏與老  
鬢不似前期吾他日倘相遇握手慰桑榆載詢岱靈事逸  
興知如初

十二月三日自成都之卓克采

數年奔走歇無期枯柳新楊管別離等是碧雞坊外路亂  
山叢疊雪飛時

風雪中過小直固山

上下幾千尋盤旋數十里人行向雲端馬行在雪裏不識  
山徑高惟見寒光起長林白滿溝空谷響凍水糧夫肩屨  
來如蟻轉磨齒俯驚萬丈阬一墮駭無底我方仗輿丁兩  
肩託生死皇天本大慈兵事會當止

冬夜仲調太守畱飲平樓

別後光陰忽二春寒宵把袂意尤親關山詞賦憑樽酒冰  
雪襟期拂塞塵興到淋漓忘我老交因寂寞識君真他年  
如話征蠻績都是沙場一輩人

西徼歲暮寄懷赤南

鳴鳥愛同林游魚樂共池不知棲潛意何以篤於斯惟人  
與朋儕無異魚鳥思歡場幸欣賞獨處有餘悲一載三聚  
首嘯傲舒情款歲暮更言離西徼感吟伴徼兵役未罷兵  
久食愁短窮谷慣淹留亂山風雪滿成都吾故友天寒守  
舊柯常負經濟識襟期鬱嗟哉雄筆驚鬼神日夕發高歌  
歌聲達塞垣偏驚別調多

除夕軍中過夢筆山

山中無爆竹飛礮動春雷移帳軍猶肅思家客莫哀誰能  
醉舞劒將今夜銜枚未得旋投筆人如夢裏來

乙未

元日發梭洛柏溝

吾年六十一乙未歲載經齒豁髮多禿筋力嗟衰零老來

愛便靜何事登危程軍事念靡鹽塵逐無稍寧自非達觀  
士誰與生逸情今日是元日滿目春光迎驅車更就道歷  
歷雲峯晴蠻土盡荒漠坡隴無人耕微雪宿餘白松杉畱  
故青陽崖轉陰谷山鳥相呼鳴溪水凍未解漈漈流澌聲  
沙頭列茆店貰酒雙玉瓶獨詠還獨酌旋醉復旋醒少壯  
日無幾一瞬成頽齡交舊半爲鬼利名洵當輕

正月八日復回至成都

又作四更起天寒班馬嘶星光穿樹碎人語隔煙低孤店  
明春火連村唱曉雞忽逢新歲景城市雜輪蹄

早春顧華陽招同吳冲之曹素爲沈萊友楊閣度  
陸赤南集飲天妙閣觀東坡所書洞庭春色賦墨  
蹟冊子分韻得賦字



春風幾日吹庭樹老梅破萼暗香吐徼外歸來暫解鞍抖  
擻征塵成小駐方圖載酒何處遊招要幸值江東顧道是  
梅花尚未殘正好偷閒作良晤招飲詩有折簡招邀無俗  
客偷閒酌未殘梅之句  
雜遝軒車過後先馬齒雖加交盡故紛紅駭碧燒羊燈縱  
橫樽疊忘夜暮酒闌出觀玉局書妙墨淋漓嗅香霧流傳  
不減千百年潁川勝事今如遇冊中縷述安定王以柑釀  
酒足幽趣得從猶子分少嘗激濫湖波恨洄泝只疑春湖  
變春酒況有清芬拂衣度摩挲三醉熱耳輪過眼煙雲渺  
無數我書繆學雙井黃曾未經學老坡步今宵傳看劇酣  
飲頗擬力追更心慕鼎鼎眞鼎鼎賸姑聽之添毫且共羣公賦  
我非楷手非賦才金橘多酸義可附

落燈日招吳冲之曹素爲顧華陽沈萊友楊閔度

王庭和陸赤南集飲寓館之升菴卽席分韻得塹

字

頻年事從軍杖策歷坑塹全家租市廛花柳壓江店錦里  
狀元街昔聞發光燄文憲旋篤生羣口足徵驗著述盈縹  
緗天藻恣摘掞方其議禮時立朝無瑕玷侵尋三百年文  
彩世爭豔遺物今烏存鵲巢鳩或占一椽構舍旁塹爽遠  
沈塾額以升菴題感舊素心黏落成值落燈招要走從儻  
吟儔特地來嘯歌富典瞻簷外搖月華春夜酒痕醺酒行  
十百巡志不在飫饜圍棋子亂敲作畫墨恆譔談笑適雅  
懷坐臥遂所斂老樹閒竹籬蕃蔚弄溶澌高下懸星毬銀  
花紅鑠閃鄰寺奏梵音入聽生靜念良會蹤跡同吾生老  
書劒

二十三日曹素爲沈萊友招同吳冲之顧華陽杜  
寶樹李松期楊閣度陸赤南淳兒過草堂寺看落  
梅分韻得春字

探梅蕭寺裏幽徑淨纖塵幾點飄如雪何愁減卻春影從  
花外別情比酒還醇倚醉聯吟夕相看少一人

是日冲之不至

### 遊武擔山

天生妖孽由人致美男化女事頗異皿蟲之蠱蓋山精蜀  
王納入後宮闕未幾物故王嗟哀擔土遠拓武都地五丁  
爲山名武擔高豐七丈傾萬簣王賦與邪龍歸歌音悽調  
慘掩淚多表墓一改筍里式石鏡如月無須磨太歲在末  
春二月我歸成都遊興發咫尺登臨笑培塿稚篁古木分  
林樾野花簇簇趁晴開紆迴小徑青莓苔蛺蝶飛來復飛

去山精魂避花妖猜我且吟詩坐片石暫喜青春慰頭白  
旁人笑我酒顏酡誰識今時弔古客

升菴前梨樹未花賦二律以催之

詩酒逢場力不勝倦人天氣夢頻增梨陰未若輕雲合雨  
意空如薄霧凝近局無因邀酒伴隔牆猶待喚詩僧白頭  
自笑清狂甚遶檻探花日日憑

事弗勞形幽興生花思寒食卽清明不侵白雪渾無賴倘  
閒紅梅倍有情客醉客醒空蝶夢時晴時雨亂鶯聲天公  
恐倦詩人眼遲遣東風透錦城

次冲之學使問梨花韻

白髮年華過六旬梨花如雪慰勞人無詩無酒空邀月香  
撲征衣浣塞塵

將之北軍寒食日招同人集升菴誌別用少陵重  
過何氏五首韻

未別同人去先催絕域書春花明錦里微雪敝氊廬暫作  
棲林鳥長懷縱壑魚由來戎馬路跋涉等閒居

寒食他鄉節清樽此會移簷端語燕子酒色想鶯兒境靜  
憐初地池寬鑿舊陂臥龍橋下水待引到東籬

信宿亭臯趣風塵鼓角時相離應有夢持贈宵無詩關塞  
迷芳草江城拂柳絲銜杯須盡興秉燭以爲期

走馬西還北征途阻且長青芻騰外廐白棂選雄槍蠻戍  
堆崖石軍儲費稻粱我懷靡所及原隰賦皇皇

懽聚無三月從軍近六年枕戈寒臥雪櫟釜渴擔泉愛此  
書連屋行將硯作田成功知不遠擬共勒燕然

三月十六日曉發成都之北路宜喜軍營

昨來喜春初今去春已老錦城兩月餘暇日恣幽討客至  
醉且歌興酣達昏曉僕愁酒債多我誇詩不少今晨整行  
裘摒擋何草草征衣裂又縫針線纏復繞殘書兼蠹攜關  
處自了了前途羽檄催進食不遑飽

二十二日行次楸坻見連山桃花盛放回憶二月  
初升菴前桃已作花內外氣候遲早若此因詩以

寄赤南

成都二月初春風吹漸暖升菴籬落閒花樹芬芳滿三月  
出桃關關前桃已晚逡巡至楸坻春色反覺淺山山桃始  
華豔豔方照眼氣候中外殊端居人莫辨千里異吟情幽  
窗夢魂斷笑似遠尋梅衝寒酒力短還愁風雪來零落更

誰管

雪後宿梭洛柏軍營與林軼千太守大鳴大牧話  
舊

空山一夜雪春色冷吟襟繞幕溪聲苦連峯兵氣深衰驚  
前此夢老見舊時心把酒挑燈燼詩成贈二林

渡大渡河

大渡河聲急皮船坐不驚慣經灘上險穩似峽中行旋轉  
徐登岸崎嶇更計程眼前楊柳色微動玉關情

四月一日至綽斯甲布宣撫司取數寨

重來極邊地陳跡已三年癸巳春禮奉命到此山剩千

峯雪春回四月天新恩加土職撫司近因勅促浸有功

奉命陞古調絕琴絃盛果齋太守駐此三月載駕滿目旌

職宣撫司

旗動連營風正顛

覺穆郊軍營憶升菴兼簡赤南

別時未及薦櫻桃別後思君對濁醪花影一菴人獨臥樹  
陰滿院鳥聲嘈我畱絕域吟逾瘦夢到幽窗夜息勞愁聽  
悲笳時斷續天涯回首月初高

夏十三日我軍由達爾圖上下攻促浸十四五日  
連有捷獲紀事四首

已近兔狐穴草閒殘子存軍聲雄破膽賊勢剩游魂烽燧  
焦蕃砦旌旗肅將門元戎窺壁壘決勝事頻論

陣陣蒼煙合峰峰苦霧侵月光銜雪皎嵐影逼天沈窮寇  
連巢覆危礪疊嶂臨夜來刁斗急燈火照深林

戎馬縱橫地前營屢報移風號弓力勁雪濕角聲遲壯士



翻添恨深閨久繫思  
蘊廬棲止慣指不數歸期  
西北兩軍會迢迢一水長  
連山人骨白滿目陣雲黃  
天意憐師老兵心感將良  
計時殲逆虜絕域慶平康

十七日宜喜軍營雪中簡牧靜菴參戎

絳炬如霞入夜浮  
亂峯銜雪映邊樓  
地荒樹色寒初夏  
氣變山嵐老似秋  
蹤跡祇須堪勒石  
功名何必定封侯  
男兒共此平生志  
放眼高歌一破愁

仲調太守書訊北軍捷音以詩代簡

戎馬無暇期彈指四年隔  
隨征止西徼跋涉萬山澤  
辛苦甘備嘗微軀冒矢石  
功名無捷徑年華暗拋擲  
昨從成都來僉謂待驅策  
銜姓奏九重委任等疇昔  
到此方整兵分路剿蠻逆  
糈糧急輓運火藥勢尤迫  
忝爲經理長夜深

邊暖席兼之苦淖潭山雪深數尺逡巡喜放晴將軍善籌  
畫靜以避賊鋒截若穿脇腋鋒鏑萬兵加屍橫徧流血拔  
礪寨亦傾曠土遺牟麥前軍戰江岸破竹勢深入更合兩  
大軍一水界交搃促浸固善守幾載力云竭軍聲憤久持  
竄虜乃喪魄僂指掃穴期應似駒過隙露布看飛傳十時  
走十驛君書煩問訊一一荅所獲愧無揚馬才作詩紀茲  
役

覺木郊午日招徐達三司馬小飲

遐荒值令序征人動離情烽煙塞千帳連山震軍聲與君  
別幾載華髮短還生茲來展嘉晤具見詩骨清擅衣共酌  
酒抵掌交論兵陰符經一卷奧義資發明醉後語無忌得  
失聊縱評榴花照何處蒼顏吾自驚

升菴前竹廊初就赤南植竹柏雜卉於廊之左右  
各賦一詩見寄余和其體不用其韻以荅

同是歲寒姿森森發小枝映階欺怪石倚屋借茆茨卽此  
青蒼色應知老勁時亭亭饒古意倩客爲吟詩

右刺柏

別有蒼篁種惟櫟得肖形葉披千片綠幹直一叢青霜殺  
還爲杖陰深可當屏轉愁良夜坐礙月透窗櫺

右櫟竹

夢繞武陵岸春殘花更生江潭人去後庭院日初晴露浥  
淺深豔風搖向背明如何紅著影偏以碧爲名

右碧桃

遙思安石國誰作主人翁我愧張騫使身畱西域中春花

洗雨後午日照晴空遲喜添秋色瑩瑩萬粒紅

右石榴

明眸邀客賞植此近詩壇樹色黃麻染花團紅綉攢一庭  
風習習千日露漙漙

紫薇又名千日紅

索句憑消遣時應帶笑看

右紫薇

牆陰土濕處纖卉卻宜栽腸斷秋雲冷魂消暮雨回哀蛩  
吟短砌涼露洒蒼苔一種薦紅色淒清自在開

右秋海棠

掘地種芭蕉成林客待招碧天秋可接疎雨夜堪消漸覺  
愁心展其如幻夢饒巡廊風露下清聽任蕭蕭

右芭蕉

雨後秋陽潔含暉傍竹扉驚黃花不俗鳳爪葉偏稀習靜

人尤愛悲秋客未歸可堪寂寞處終日蝶翻飛

右秋葵

葉葉扶崇挺非花亦號花霜風吹不落秋雨色頻加雁影  
苔階靜蟲鳴石徑斜亭亭舒彩質幽意近山家

右雞冠

偶觸東籬興悠然與菊謀當花見傲態一笑插盈頭風雨  
催佳節樽壘醉晚秋知心本耐冷吟賞占清幽

右菊

聞樞孫詩學成章喜而有作

憶在閩州住吾孫九歲時略知人事解誦老夫詩覓句  
今知穩能言漸可期篇章窺急就學古勿遲遲

六月二日移駐茹寨

戰勝復乘勝頃刻數十里兵逼沙爾泥礮擊那摩底大營

日昨移雞木嘶丹址

沙爾泥那摩底雞木嘶丹均地名

兩軍兀相望營壘

隔一水糧站路新改於此可通彼人馬跡同途誰復別我

爾茹寨在河濤風土較稱美礪樓既火焚繚垣石猶峙夏

果熟櫻珠春花燦桃李海榴今照眼葵藿黃開紫我攜書

劍來掃除待棲止茶竈位置安硯席還須理對岸遠山高

坡陀亦効施汀渚蕩閒雲石欄聊徙倚

茹寨山後巖石幽怪有古木流泉陪鄂佩三中丞

納涼其下

邱壑如奧室偏於蕃境藏茹寨西山根巖岫殊未荒陰森  
繞古木歷歷參天長不見日月影惟聞花草香怪石削斤  
斧苔蘚蝕其旁鳴泉奏絲竹入耳何清涼樵徑旣盤紆林

金真子集卷之十  
薄轉蒼茫風蟬作逸響水鳥呼夕陽烹泉就茶鎗遠勝攜  
壺觴此卽消夏灣息心機竝忘

皮船

蠻江急且寬亂石礙舟楫皮船準舊製破浪無滯澀卻受  
兩三人可坐亦可立泛泛宛沙鷗還如踏僧笠翦江憑一  
槳蕃兒性所習戴月休徘徊勝彼枯魚泣

示蕃奴阿山

蕃奴黃小無所知長二尺許形如魑兩顴高聳額角觸睢  
盱雙目濃拖睂語言囁哝人不解必待手搖指畫晰其疑  
頭脂耳垢彊令洗洗出面目仍離奇獨立屹然勞不避殷  
勤較與羣奴異呼之惟謹應聲趨戀主心情出人意嗚呼  
攢拉之蕃逆命多斯奴具有天良麼

七夕寄冲之學使

蠻方兒女節雲物似中原  
河影秋初靜嵐光夜未昏  
懷人憐拙宦撫景念離魂  
此夕局闌處同看月滿樽

柳坪小憩

萬柳垂陰處濃煙似晚春  
折枝常笑客近水慣畱人  
林靜蟬爭噪巢多鳥作鄰  
坐來忘所事心目爽無塵

十四日西軍攻克勒烏圍紀事

將軍得意負邊功  
士馬如雲直渡東  
狡虜縱矜三窟固

官寨有二一在勒烏圍一在利耳崖  
遊魂難避半疆空  
兵至勒烏圍已得促浸之半  
天心

未信何時轉賊勢  
應從此處窮  
露布飛傳千驛去  
圍場計

日頌聲同時上  
獵木蘭

徼外苦寒秋無蟲語  
茹寒地氣較暖近聞其聲



銀漢橫斜秋氣清萬山重疊繞離情瓊廬寂寞無人語喜  
聽寒蟲一兩聲

哭守庭侍衛

意外得凶訃乍聞疑未眞一軍痛云逝浩歎霑我巾憶昔  
識面日初在江水濱天寒飛掌雪執手談松岷睂宇快豁  
達英爽邁羣倫言笑無俗調傾蓋洵可親相與訂交素轉  
盼過五春拈韻坐夜月舞劒凌秋旻監鑄構奇想在軍營  
礮有臨陣抱艱辛大小幾十戰矢石傷頻頻左顧右股兩  
奇思意氣殊寡合磊落遭人嗔奉詔堅不歸三月前回都力求俟凱  
旋宵顧報主身生不愧世胄世襲子爵卒猶臥嶙峋

九日憶升菴賦寄赤南

初約重陽共賦詩緣乖軍旅又愆期遠懷孤館心如繫獨

倚層碣感所思紅葉多因別淚早黃花半爲閨年遲何時  
一掃塵氛盡得伴清樽慰渴飢

掘藥苗種於寒落閒夜來爲狸貓所損

移栽紅藥遣無聊寒落籬根手自澆昨夜狸奴行處損金  
波處士不堪描

宋李詩之號金波處士喜畫  
貓於藥苗閒見圖繪寶鑑

九月十八日茹寒見曉霜在寒露五日後去霜降  
僅差十日氣候與中土相近以詩紀之

昨秋入松境七月宵隕霜八月過甲凹雪片如掌長侵尋  
度重九郎馱雨雪灑北風淒以緊披裘走羣羌萬山木盡  
禿雲物多蒼茫牛背夜夜白狐狸嗥聲傷瓊廬晝圍火十  
指九指僵而我惟苦吟遣興忘夷鄉促浸西山西雪嶺限  
其疆蓬婆遙在望大渡河湯湯豈意重巖中候氣異尋常

寒露逼高秋，邊草色未荒。  
角聲飛商飈，樹葉初染黃。  
昨夜墮殘月，滿地餘白光。  
凌晨窺寨落，乍恐額幽芳。  
天地不可測，溫肅各有方。  
遠近無分土，徼外殊炎涼。

赤南以升菴對菊詩見寄次韻

爲報黃花放幾枝，菴前遮檻更遮籬。  
雪山有客頻懷舊，錦里惟君獨詠詩。  
暮雨斷時霜未落，夕陽臨處蝶還知。  
菊如

人淡，非因傲爲感離羣。

前書謂成都零雨一月菊花盡傷惟白者尚可故云

一片雲光江上開，升菴遙指似蓬萊。  
窗虛月白花無色，竹

外風清影掃苔。秋老驚心人倚塞，  
天空放眼酒盈杯。歲寒

倘返從征旆，不看殘英卻看梅。

原韻尺書應負幽期約可及殘冬詠早梅

灌縣道上得赤南冬夜升菴讀書見懷五絕句馬

上次韻荅之

塞雪連山白新詩遞到遲開函馬上讀流水卻先知  
秋去返征鞍冬期晤良友仙關度天彭嚴關我慣叩  
沃野萬頃空岷江水已落懷人敲鐙吟幽思滿巖壑  
君情孤且高將誰爲伯仲青燈照獨眠客久無歸夢  
白版菴門小筠廊不畫椽最宜人靜後月影到窗前  
十一月五日由北軍歸至升菴與赤南小飲卽次

見投原韻

舊想如雲十樹梨去來風雨有餘淒籬邊花負重陽節壁  
上詩畱寒食題鵲慣巡檐迎客喜馬纔伏櫪向人嘶開樽  
且與君同醉轉瞬應聞止戍聲

寄題隆昌縣石溪亭卽次舊韻

有序

隆昌令朱畫莊雲駿新輯縣乘採漁洋詩話云隆昌縣石溪

橋有堊書一絕云桃花依舊放山青隱几焚香對畫屏記  
得當年春雨後燕泥時汚石溪亭不著名氏畫莊持此徵  
詩賦者甚夥余亦漫題一絕

天外雲山萬古青石溪橋畔冷苔屏落花紅雨傷春句幾  
度吟聲感舊亭

升菴前種梅

歡場聚散等擲沙雪嶺歸來興倍嘉遶屋掃苔疏石徑傍  
籬掘地種梅花孤根須借芳鄰託生意還憐舊雨斜計日  
叢叢繁蘂發菴前相對手頻叉

歲晚空庭憶冷香好添疎影逗寒光雪前雪後修吟事枝  
北枝南感夕陽殘月臨梢侵客幌疎鐘隔院遞僧牆黃昏  
此後簾須捲消受羅浮一夢鄉

寄錢坤一閣學

硯餘墨瀋凍雲煙未與寒香了  
夙緣寫得梅花須我贈隴頭  
應許慰殘年

大寒日招彭儀一顧華陽觀察王審淵沈萊友太  
守楊閔度大牧朱景韓畫莊大令邵安侯上舍陸  
赤南山人及淳兒集升菴梅花下分韻得生字

同是凋零樹品格何孤清  
亂蘂不厭繁醜枝竝含英  
寒香透霜雪疎影老縱橫  
升菴遶屋種連日喜放晴  
放翁作詩報云吐瑤與瓊  
招客主亦客素侶愜素情  
先後款扉入無須倒屣迎  
樽開先卜夜日落鳥一鳴  
劈紙旋刻燭四座皆吟聲  
興酣酒復醒幽芬靜殘更  
翻然思絕域尚駐天外兵  
見雪不見梅歲暮旅魂驚  
安能移此境共喜心太平

是夜同人復分詠成都古蹟得嚴君平卜肆

錦城西南一隅地君平畫卦作卦肆名爲賣卜實隱淪拙  
以謀生隱斯遂百錢到手卽下簾但免飢死遑謀利抱膝  
何曾出戶庭咎悔已消安用避其時揚子登其堂師事臨  
邛講深義後人盡擬訪君平誰識君平處世意

立春日與赤南小飲升菴竹廊下

小園草色返芳辰僂指年光數丙申錦里江梅初著雨羌

原鐵騎正飛塵

時連獲西北兩路捷音

酒邊話喜青燈舊鏡裏愁看

白髮新檢點五辛盤共醉吟場重作一回春

小除日聞北軍賊退我兵連進自扎烏古歷阿爾  
古乃當甲雜獨松已至刮耳崖捷音

憶別西壘來兩月日移徙耳無鋒鏑聲口有羹肴旨成都

人事繁酬應徒勞耳栖託賴升菴嘯詠梅花裏近聞賊計  
窮爲退百餘里降蕃累以千錯還攜妻子北軍如飄風氣  
勢莫能抵糗糧恐後期負戴夾山水中宵時繫懷急欲整  
行李奈緣別情羈徘徊復失喜



銅鼓書堂遺藁卷十九終

男淳孫樞校刊

銅鼓書堂遺藁卷二十

宛平 查禮 恂叔

丙申

元日升菴前梨樹忽放花一枝時余復有塞外之  
役不及觀其爛漫卽景爲圖竝題二絕

花神作餞別無奇春逼梨花放一枝多謝東風無限意教  
人宜畫復宜詩

抖擻征衫擬出關饒歌馬上奏平蠻時值金川凱旋在邇春雲春樹  
看如海若箇偷閒醉此閒

灌縣道上逢徐匯川大令

昨擬伴清吟浮蹤難踐約宵因戎馬廢詩書奈逢山水虛  
杯酌青城影裏各怱怱征塵行色隨春風前途遙指凍雲

濕凱歌應奏雪光中

雜谷腦逢額爾土特參領還荊州

西徼兵云罷荊州將喜歸入關地較暖到日草應肥戰壘  
頻頻過征人漸漸稀巴渝春水長一棹去如飛

三月十五日移營刮耳崖下

大隊兵旋陣雨沈營移崖外傍林陰暮春已斷霜天角歸  
路長馳將士心候氣漸看和雪徼版圖屈指數雲岑眼前  
先闢河壩地成市成村遶碧潯

暮春刮耳崖作

花信初傳塞上風春光蕩漾水西東蒼鳩喚雨長林外老  
馬尋途短草中屯政先催農具備詩書緩論士風同誰能  
此際稱開府蠻語參軍句便工

嵐光雲影一溝連從此危崖得靜便聽法閒尋沙際寺釣  
魚好放渡頭船結廬石畔宜栽竹種菜山均更引泉休說  
西南荒僻處更無幽境接人煙

沈萊友太守於花朝過升菴見梨花盛開題二絕  
句見寄次韻荅之

白首何嫌花笑人空憐寒食雨消塵由來琴酒詩緣淺孤  
負升菴又一春

三五同人跡半疎依然花影似當初傳來好句花知否抵  
得江南驛使書

陳采霞女史以詩四絕索升菴梨花赤南爲寄余  
刮耳崖援筆和之亦一時佳話云

箕風夜簸動征塵刮耳崖邊二月春誰把折枝描雪影錦

江傳有乞花人

春去春來恨幾回芳菲不到亂山隈卻憐紫竹園中客采霞

時寓紫竹園欲借梨花共舉杯

燕掠鶯啼雨不休沈郎多事替花愁時并寄沈萊友女史之作清詩

吟罷愁如海那管人嗤雪滿頭

一曲歌殘酒一觴花枝不惹綺羅香天涯得句增春感有

月當頭卽故鄉

寄赤南

論交憶同調涉世感孤蹤夢斷關山隔春殘雲樹重良宵

宜秉燭絕塞不傳烽遙想花飛處應知愁更濃

離懷縈旦夕何事最關心燒筍充庖味傾醪助夜吟狂來

違世俗靜處卽山林甫里先生後無妨續古音

刮耳崖初夏

十年西蜀夢中身六載軍前往返頻  
草色漸青晴入夏月華不冷夜非春  
久嗟蠻蠹巢憑險近喜兵銷塞絕塵  
壘墮凋崩清淨地如何未見麥苗新

刮耳崖小築

一自從軍來覆瓿以代瓦今看峭壁閒人在茅檐下

鑄農具

蕃俗少牛耕民力苦胝胼牯犢昨已買農具今須全製造  
宜法古鑄器師任延漢任延爲九真太守其俗燒草種田不知牛耕且無農具延令鑄作田器  
教之墾闢田疇歲歲開廣百姓充給見後漢書更稽天隨子經傳耒耜篇唐陸龜蒙著有  
經耒耜自此黃農庭凜然拓極邊於以資墾闢於以成陌阡  
鉅犁與鎌鋤善事必在先置鑪毀鋒鏑刀劍隨青煙荷鍤

如執銳鑿井如攻堅烏耘察進退嘉種等求賢播種事南畝稼穡期豐年綢繆苦寒地室毋嗟磬懸

和時夏參贊刮耳崖卽事韻

盈盈大渡水水上賊掃除旋軍奏凱曲歡聲達紫虛畱守尚有士不歸顏亦舒訓兵入南畝驅蕃學畋漁引泉過小圃荷鋤自種蔬鳥鳴山光曉徙倚懷抱攄淡然思所寄期與神明居美人隔前浦夜月照拂廬

和時夏參贊述懷韻

正以持形靜抱神虛心恆檢不才身放高吟興休嗟老勘破官情豈患貧錦里江花頻感舊蠻疆畦菜慣嘗新如林猛士多歸去擬訪成都賣卜人  
懽然話舊每三更不作邊關怨別情自笑鏡中鬚鬢影久

忘樽畔管絃聲裁詩偶結香山社觀射時過細柳營漫說  
遐荒無樂景共看雪嶺插天明

夏日偕鄭敷敬太守葉憲昭大牧陪明將軍舒參  
贊桂軍門諸公大渡江泛舟

西蜀湯湯大渡流桑經酈注舊曾收據今考古尋遺跡自  
有此江無此游

提壺擔榼走蕃民舟子傳呼解纜頻馬上久嗟良會少扣  
舷聲裏最宜人

牽布爲欄席作篷幾人把酒坐船中惜無帆影灣灣轉孤  
負南薰面面風

僂指從軍白髮催今朝樂事喜叨陪淺灘如練潭如鏡柳  
外輕輕盪槳來



山環水複結遐陬乘興尋幽共放舟更有蠻舸圓似甕地

皮船形也隨波浪躍灘頭

鳥語林閒巖著花沿江浦激走明沙清流宛折西南去下

湍潺湲過二巴大渡水下流過巴底巴旺二土境

金川紀事二十首用杜少陵秦州雜詩韻

西征窮絕徼不比壯遨遊陣勢龍蛇影軍聲虎豹愁當關一徑險吹角亂山秋其道蕃兒黠何堪聽久留

將軍廷授鉞妙算出深宮執策趨長道征塵接遠空

曾諳滇塞瘴始訝雪山風欲改羣峯勢俱應水向東

積雪寒陰谷淒風捲白沙叢碛皆賊穴列帳似人家黃葉

雲端露青天鳥道斜爭先兵踴躍守險且休誇

跳梁傳自昔滅跡在茲時宥死

君恩重前於十三年金川之役金酋已危在旦夕乞降宥之戕生天意悲惜哉恆不

靖蠹爾悔何遲誓勿畱完卵胡能縱所之

沃日何仇恨而稱指使疆是役因饋拉攻沃日起端實由促浸所使也烽煙連

壘暗歲月逐兵長鬢已斑風雪裘曾敝驢驢營門俯衆壑

橫劒倚穹蒼

德化如風偃傾誠薄海歸偏隅方叢爾構怨起纖微牛馬

因相及衣冠見此稀麾旌驅鳥獸一鼓解重圍

無處不連山符分南北閒西師通甲寨中路出靈關大兵既解

沃日之圍金酋設險恃固遂分兵四路攻之再逆三旬命何當振旅還前軍聞

據險壯氣慰衰顏時美諾憤拉已平

猛固河橋絕中宵一騎迴蠻方霑雨盛蛟水血腥來癸巳夏霑

雨異常致有木果木之變迎鐫穿雲破援臺摩障開斑斕堪設守畫角

莫生哀

時大兵退  
守斑斕山

迢遞徵兵合軍書萬里亭血枯秋草碧霜殺柳條青將復  
馳三路營曾隕一星天威期遠屆絕塞亦郊垌

嘶馬動崑崙紛紛羽騎繁旌還分昔嶺水欲繞岷源客老  
松州使煙荒雪微村錦城一回首未得倚柴門

壕引泉流鑿門因羶帳低堅冰敲似石晴雪踏爲泥懷

關時瞻北稱兵銳盡西

時復收美諾  
盡銳西攻

書生老仗劒騎馬逐

征韓

心誠雄戰伐興偶寄林泉樹古吟風急更深候火傳旗翻  
山寺外鳥起梵聲邊莫遣尋幽意臨岐便惘然

聖代無中外同人共一家風塵豈異地聚散偶搏沙奉

命如奔電殲蠻類摘瓜再經屯美諾老眼及看花

開荒隨境轉回馬夕陽天的博蹤難覓蓬婆地失傳桃關  
月照塞楸坻雪噴泉余先兩駐美諾後由桃關赴西路開楸坻等站但得成功易

何知到極邊

行蹤誰復定來往白雲閒寂寞迴青海

甲午秋余往果羅克崎嶇更

雪山轉攻千寨落莫遣一人還飲罷刀頭血仍畱石上斑

俯仰兵皆利將軍智出羣危礪驚碎礪精騎若屯雲戰苦

陰陽變天寒雪月分昨收羅博瓦音達九重間

勝乘茹寨地煖占好風光

茹寨爲金酋巢穴其地獨煖

堪藉茅爲屋應

栽柳拂牆賊巢餘亂石佛寺構深堂鐘鼓殘更後偏愁清

夜長

刮耳崖邊路窮酋不復歸

大兵旣得茹寨金酋乃退守刮耳崖

鉅牙森雪嶂

壯士趁朝暉梯險千軍奮身輕一鳥飛俯看眞釜底於此

見兵威

萬夫爭戰鬪五載其艱難莫惜衣裳濕從教婦淚乾殊  
恩邀雨露層甲卸春寒勒石畱千嶂人應識將壇

上將今纔見奇兵古未知屯田規漢制穿井助羌兒德守  
無須壘城傾不用池春風來萬里花發一枝枝於今年二月平

屯政初就七月二日發刮耳崖

粵稽屯營兼古制營田者民屯者騎且耕且戍以代糧充

國會聞省大費術由經濟學誰先本原悉溯晁錯議屯田之議

始於晁錯趙充國渭濱許下淮與襄武侯屯田於渭濱任

罷騎兵以省大費屯田於淮南羊關土未出中原地宋熙豐閒役邊州兵民

祐屯田於襄陽竝得同趨利丁夫調遣雜咸平功實難成廢則易營州獨

數唐慶禮

慶禮請於營州開屯八千餘所招安宋代惟有

范公比

范文正大興屯田於陝西

我朝中土既浸繁太平日久無荒

棄遐荒絕域入版圖雪山今亦邀撫莅降蠻賣馬以買牛

戍卒拋戈執農器依山傍水結田廬雞鳴犬吠聞次第我

來自春去及秋新舊風光頓覺異教養還須俟後來刮耳

崖邊詩作記

### 入桃關

春過洗兵雨秋風更掃塵桃關出入慣山色醉勞人

倚馬白雲隈前途逸興催秋光到錦里料理舊吟杯

### 七月十五日自西徼歸至成都述懷

自從雪徼軍深入萬山谷五年一彈指涉險任轉粟今春

奏平蠻大凱遂旋蜀兵歸我未歸爲創屯田局測地繪圖

金屋藏書  
卷之二  
一  
經銷鐵事鋤  
刷濕濕耳六千遠購在荒服計戶授隴畝計  
人結衡楅羈遲復數月徼外走碌碌屈指卯夏去申秋始  
回轂差喜涼颶來錦江暑退酷閉門不出游重檢舊書簏  
倘有高軒過辭以暫休沐

中秋夜對月

千秋同此中秋月月中桂樹何曾伐屈指五載駐雪山雪  
中看月寒入骨一年有月一年無無月之夜心更孤卽逢  
有月無人賞行帳荒涼蟾影枯今春大兵凱歌去秋風送  
我錦城住錦城月與雪山殊瓜果當筵樂相顧夜旣無雪  
更無霜清光多處飄天香兒女團欒婦淚乾笑我吟詩老  
更狂

顧華陽觀察就醫峩嶠近聞不返成都卽日挂帆

東歸寄之以詩

不道殘冬別飛鴻入杳冥去懷錦里舊歸臥錫山青此日  
旋孤櫂何年聚兩萍浣花溪上望無限暮雲停

曉雨初霽語花居讀書

雨聲侵曉歇無語捲簾時遶檻種鴛粟敲牆長兔葵煮茶  
供舊好翻帙獲新知樂事何爲最古人不我欺

九月十五日招林軼千富察仲彥兩觀察王審淵  
太守烏蘇澄心協戎徐匯川司馬楊閔度王東白  
兩大牧朱景韓大令王惠疇上舍陸赤南山人集  
升菴賞菊分韻得四質

西風吹錦江木葉陰尚密秋暉澹秋容恍似月華溢竹籬  
繞黃花值此傲霜日高低色盡佳參差致不一遙思愛菊



人古往今猶述今人復何如於古詎無匹開樽集同儔談  
心竝促膝几席淨無塵金石歌聲出知音感情眞行樂愼  
暇逸去日旣難追來時安可必倉皇過隙駒當戶鳴蟋蟀  
萬物同逆旅轉眼惟虛室夜須秉燭遊花前卜云吉

秋晚憶刮耳崖小築

曾經絕徼結幽棲刮耳崖邊憶舊蹊采藥攜童能荷鍤屯  
田親自督耕犁陡坡野鹿迎霜下老樹寒猿抱雪啼此景  
憑誰更記取昨宵有夢覺淒迷  
夜來深谷掩柴關短燭孤吟破酒顏曉起晴雲開凍岫日  
高白髮映青山遙思春色清如許倏忽秋光度等閒難卜  
後期尋舊約耳邊流水聽潺湲

展重九日招梁赤霞王惠疇陸赤南及淳兒樞孫

再集升菴看菊分韻得齡字

鯉魚風緊葉飄零，昨見新霜點鶴翎。  
不對黃花秋五度，爲邀烏帽夜重經。  
籬邊晚節侵頭白，座上幽襟入眼青。  
今日共成湯餅會，是日升兒三朝莫辭斗酒醉延齡。

九月二十日蒙 恩賜戴孔雀翎恭紀

五暈花翎下

紫宸金泥煥彩映龍鱗

天家異數遭逢罕，不分 恩光到小臣。

淳兒於癸未秋授蜀之南江令，己丑余備兵川北。  
例迴避調長寧，辛卯調繁宜賓。今夏富察制軍惺  
亭公以勤練軍需薦加銜五品一宰，臨民轉盼已  
十四年矣。頃閱除目，復以資深遷滇南趙州牧賦。

詩示勉焉

治縣十四載宦況豈云通其閒歷三改境亦參嗇豐汝性  
本愚拙多蒙上官容託跡筮無悔惕慄應反躬今夏入薦  
牘獎厲遇較隆茲焉辱作牧自忖曾何功民社寄非小家  
聲重如嵩廉勿存沽名勤期有始終赤子視羣黎用心務  
在農任事憑膽識濟以謙與公受爵不以道殃害旋隨蹤  
致貴不以漸顛蹶必暴忿受爵非道殃必疾致貴無漸進  
失必暴語見後漢書翟酺傳  
退執禮義前賢型宜宗切毋感贈贈時至魚化龍滇蜀路  
匪遙壤接稱鄰封移家前叱馭妻子易相從況聞風土美  
候與錦里同物價雖稱昂節儉庶免窮日來開笑口頭白  
欣乃翁作詩聊示汝差喜運轉蓬

秋夜不寐有懷

寒侵更漏永短榻寂無眠靜度窗前月虛舍竹裏煙懷人  
生白髮感舊坐青氍落葉蕭蕭下離思殘夜牽

長至前五日招胡行偕中翰彭儀一陳時若兩觀  
察徐達三司馬朱景韓趙體仁兩大令徐敬燧州  
倅范書田上舍陸赤南山人及淳兒樞孫集飲升  
菴觀楊文憲墨蹟分韻得十藥

有序

乾隆壬午余以憂家居都下甲申三月七日偶過櫻桃斜  
街見書畫肆有升菴先生手書塵世英雄易老浮生蹤跡  
難同十二字遂買以歸丁亥八月出守寧遠壬辰冬由松  
茂道署移家成都適僦升菴故宅宅近護國寺因借寺中  
隙地築升菴一椽爲兒孫讀書處乃張十二字於壁閒以  
見事有預兆行止俱非偶然也

日短恨夜長陰濃日光薄樹木旣凋殘園林以蕭索素侶  
赴幽期頻喜巡檐鵲主人慣風霜客居無煖閣或恐寒氣  
侵捲簾換帷幕顧盼壁生輝開樽且停酌兩行十二字筆  
筆元和腳誰歟作此書昔人宛如昨英雄倘不老浮生堪  
永託豈復論後先遠近嗟萍泊他鄉異故鄉出處幾相若  
成都去新都彼此煩臆度新都尉署亦舊居維茲舊有緣墨蹟  
徵夙約詩書付兒孫老懷念穉弱知己獲二三問心云極  
樂更作分外想入山采仙藥逍遙蹤跡殊馭風游寥廓

題朱穎叔運使爲王東白大牧補寫凌雲志別圖

### 卷子後

巉巖九頂排九蓮坡公載酒曾流連雖然可愛不可住蘇詩  
巉巖九頂峯亂峯峭抹青雲煙穎叔平生嗜山水筆與王  
可愛不可住

宰紛爭妍宦遊未作漢嘉守看山偶泊書畫船王郎詩才  
妙入畫知音晤對興欲顛擘紙擬倩圖輞川圖成邱壑眞  
蒼然自謂清境足千古豈知誤落蠻山前兩萍再合鵲城  
內潑墨重寫淩雲巔別去天涯一揮手茫茫淮海情交牽  
穎叔去蜀補泰安守近遷兩淮運使吾老襟懷思靜便恨不淩雲置枕眠披  
圖試覽江山勝嘉州城角烏尤偏襯出淩雲四百尺惜無  
傑閣棲金山南山半面恍若接古洞清音神理全治易洞清音亭  
爲東坡摩崖書額洞在南山亭在九頂山皆淩雲勝蹟嗟哉昔人多勝蹟名山素軸  
幾流傳令君持之將北上青門舊友皆英賢題詩如問松  
州九峯老九峯山在茂州境余近取爲號又將提兵遠出紅橋青海邊時復  
有果羅克之行

送澄心協戎之潯州任

路冷霜清酒殢人當筵草草黯傷神碧雞坊畔將分轡銅

鼓灘頭遠問津灘近潯州城百粵空回前度夢一官難救此生

貧臨岐持贈無他物力飯修名語信真

長至前一日諸寮友因余復有果羅克之役置酒

升菴以壯行色既醉賦詩漏下三聲矣

甲午之秋吾北征果夷縱掠戕邊氓退贖獻賊了公案未

幾悍性重抽萌手殺青海五等爵奪其牛馬騁餘惡天道

恢恢無漏時務擒賊首飲鋒鏑策遣理藩郎署官阿偕

蜀守倭什布將李天貴前搜奸孰知賊遁追難獲馳報絳闕

顏無懼一怒赫然削三職將軍制府都失色

帝曰禮往毋少停迅奏爾功就朝食是時草衰蠻雲黃霜

風凜凜肌膚瘡夜飛雪片大如掌寒氣刺面何堪當臣禮

年已六十二雄志依然有辭避抖擻征衫卽戒行期斬月  
氏頭快意吾儕羣擬壯遊蹤開筵擊鼓升菴中紅鐙上下  
齊煥綵叫呼浮白喧聲同酒酣耳熱唱離句贈行畱別舍  
情賦來日提兵更北征今宵曲誤還相顧

長至日升菴與赤南話別赴果羅克卽事聯句得

三十韻

此日爲何日

禮查

時添一線長百忙因出塞

陸炳赤南

分手卽殊

方老馬諳前路

禮此行是第二次

先驅可脫韁紅橋關內外

炳

青

海隔微茫地苦惟沙磧

禮

天寒僅雪光資生艱牧畜

炳

貪

性等豺狼居處無廬舍

禮

猖狂乃跳梁區連蒙古域

炳

身

入不毛荒

廷命專宜報

禮

精神頗自彊徵兵權代將

炳

擒賊彼非王朝暮隨鞭鐙

禮

迢遙裹糗糧初程辭錦里

炳



越境遶松岡，破納良弓矢。

禮

奴攜舊笈囊，書存磨盾墨。

炳

士挾破碣槍，

金川所用槍也

小隊逡巡發。

禮

邊籌仔細商，近由三

雜谷。

炳

遠歷幾封疆，仰視羣飛雁。

禮

愁侵兩鬢霜，指揮憑

疾足。

炳捷足之士見六韜

回首割懽腸，殘月梅花白。

禮

西風夕照黃

更番酬別酒。

炳

誰此繼傳觴，預訂來年約。

禮

難期後會將

時炳擬歸丹陽

比鄰吳與蜀。

炳

詩格漢兼唐，同調勤追古。

禮

清詞

許擅場言，離心已醉。

炳

夜靜景逾涼，覓句休爭險。

禮

論交

固有常，功名豈我念。

炳

蹤跡獨余詳，七載憐賓主。

禮

孤行

愧異鄉，驪歌文憲宅。

炳

祖道碧雞坊，去逐征塵暗。

禮

旋看

衆草芳歸途，春未晚。

炳

振策莫彷徨。

禮

男淳孫樞校刊

銅鼓書堂遺藁卷二十終

銅鼓書堂遺稿卷二十一

宛平 查禮 恂叔

丙申 十一月起

長至後一日復有果羅克之役午發成都二首

有序

乾隆乙未冬

上遣理藩院郎官阿林來蜀勘果羅克土千戶麻克蘇爾  
袞布所轄蕃民吹斯枯爾拉布坦劫殺青海蒙古公里塔  
爾之事丙申春正月偕保寧郡守倭什布章臘營參戎李  
天貴出黃勝關搜緝靡獲八月回成都將軍制府以情奏  
奉

旨特命臣禮往緝禮方督覈金川軍儲銷冊因奏禮子淳

時已遷雲南趙州牧

畱代銷算禮卽日登程

獵獵征袍又北行枝峯蔓壑數前程華陽國裏笙歌沸玉  
壘山頭冰雪明把盞欲畱還作態據鞍臨別不勝情莫言  
筋力年來憊橫槩哦詩尚有聲

地連青海野夷窮

以果羅克土地不產五穀射獵爲生窮寇也

剽掠因戕蒙古

公人道賊頑難就獲

吹斯枯爾拉布坦祖孫父子相繼爲匪屢緝未獲

帝言臣老易爲功

前奉諭旨查禮係四川能事之員熟悉夷情應令前往將果羅克緝犯之事

遲不才豈倚邊疆重望古常思氣節雄帽影鞭絲雲外見  
一麾重擬覓崆峒

### 晚投郫縣宿

雲氣午後消返照澹林薄村墟樂晚晴喈喈起凍鵲茅茨  
斷續閒墀戶歇耕作含哺見古情嬉嬉得咸若婦子倚門  
廬老農坐敲腳飄風動征衣蕭蕭木葉落望中盡平疇阡

陌勝邱壑迢遙指郛邑煙外露城郭歸馬走駸駸野鳥飛  
各各旨哉陶公言萬族各有託

### 揚子雲墓

駕言尋古邱出郭西南去行行阡陌閒霧氣遠凝沍微徑  
歷紆迴屢進叱屢誤雖有候人導亦復迷所處逡巡三十  
里村落稍蟻聚溪水旣澄鮮荆扉亦回互逢人訪石埂地名  
遙指蒼蒼樹沱流自西來委折墓旁注前朝三截碑小劫  
任偃仆蔓草滋泥沙枯荻積霜露展拜企文藻樽酒醅埏  
路先生閱覽才妙探天人務太元覃精思法言渺衆慮甘  
泉長楊篇奚媿登高賦漢京盛著作諷諫意獨寓新室方  
鴟張劇秦非阿附恐爲汎鄉侯冀免斧斤怒爲郎已白首  
豈有青雲慕我欲重原之爲洗千載汙礪石彰舊蹟大書

表茲墓隴首起蒼煙木末斂寒霧徘徊久淹畱景仰在縑素

訪揚子墓後更吟一絕報洪子鎮大令

有序

洪子鎮名成鼎應山人前安岳令今年四月尋揚子墓記  
云墓前舊有石坊一碑一皆偃仆蔓草閒碑三斷字大於  
斗曰法元先生之墓爲明副使郭子章所題明末賊亂碑  
乃仆自碑之立迄今二百餘年而仆已百十餘年矣何郭  
公之難再也頃余過墓下目覩荒湮屬郭令芟除蕪雜稍  
拓墓道礮石爲碑手書曰漢揚子雲先生之墓以報子鎮  
見繼郭公者不無其人云爾

揚子孤墳灌莽中豐碑一丈石新礮忍教知己無洪子好  
事何妨繼郭公

宿灌口寄懷升菴諸友

奚囊破硯足生涯自別升菴去路賒此日飽嘗岷嶺芋他  
時閒試趙州茶淳兒由宜賓令遷知滇南趙州籌邊愧我無奇策作客何  
人不念家料得春歸吾亦返好題新句贈梨花

由灌口渡江遊青城山

山遊興何濃夜夢繞胸膈此行良不虛遂我煙霞癖隔宿  
裹餽糧呼童束圖冊草履縛周遭竹竈搆婉嬾凌晨翦江  
渡手搥岷流澤野艇逐浮鷗渺渺水光白艤岸從肩輿塵  
淨煙嵐碧仰矚丈人峯蒼翠滴巾幘迢迢二十里探幽越  
阡陌石橋枕溪背敗葉塞泉脈江聲逐客來所歷無俗跡  
杖影倚青雲嘯歌慰今夕

上元宮

青城山色佳歷亂眩我目稍遠明翠紫就近暗蒼綠上元  
望仙宮廣結山之麓巘嶂壓朱甍松竹蔽曉旭入門聞磬  
聲瀏亮頌符籙深殿涵空香高閣出叢木昔爲僧所據餅  
鉢此託宿後更置丹鑪七籤還貯屋上元道宮明末爲釋  
家所占更名本洪菴  
雍正閒仍  
改道院我來一陽生氣候正嚴肅登臨攄塵懷寒雲時  
往復

### 青山寺

寺舊僧憐獨

寺只一僧

山寒境偈清蒼苔延砌上亂竹傍簷生

鐘斷雲常定

比年剿金川軍中需  
鐵寺鐘爲邑宰椎運

人來鳥亦驚燈亭燒佛

火冷燄自虛明

寺有藥  
師燈亭

### 歷九龍九泉二菴

山足聯初地菴菴各有雲巒光明佛宇石浪走江濱竹樹

重重見鐘魚處處聞天風落蒼翠馬上冷斜曛

長生觀

漢范寂字無爲隱居青城山潛修於此觀得長生不死之術昭烈帝累召不赴封道

遙公觀中舊有范手植老楠一株又孫太古爲范寫小像今竝無存事見皇輿考及四川通志

季漢有隱者潛蹤安且吉雲鎖天彭門帝王召不出升沈  
識其機漠然甘遜逸傷泉置丹鑪朝朝煮仙朮世事一無  
爲便是長生術天地有四時不紀年與日逍遙物外身何  
須太古筆庭前手植楠亦如前夢失曳杖愜幽尋空想松  
喬匹樓觀凡幾更惆悵光陰疾

雷壇

泉石垂天際雲中結震宮雷聲久寂寞寒峭一壇風

山口

雲自山口出人向山口入雲氣撲人寒人影染雲溼人與



雲俱閒一步還一立老僧遠相迎導我蒼苔級峰外陽雁鳴石罅陰蟲泣塵慮豁然消不厭泉於邑

### 建福宮

建福何時院祈年事已非鼎紅丹自轉玉暖盞誰揮石髓囊中貯霞光戶外飛蜀王曾駐此想象悟元機宮爲故蜀王避暑處

### 第五洞天坊

道書福地記青城山爲第五洞天寶仙九室之天

九室知何處空題五洞天汶山別有闕過此必神仙

### 常道觀

一溪遶觀門一橋跨溪上過橋不數里目炫霞成浪層甍舊且陰遺此規模壯戶牖倚松杉檐瓴壓巒嶂天光雜煙光常覆三寶藏中有吮玉儔守默矢潔養碑載開元年觀爲僧侵掠旋奉敕以還內官勒奏狀是觀唐爲飛赴寺僧所奪開元十二年明

皇遣內官毛懷景道士王仙卿奉敕來蜀  
區別之有狀奏勒於石今碑尚存觀中  
畱連日影斜攬

勝情疎放境淨慮自清妙悟得所尚鐘聲出楓林蘿逕起  
樵唱巖岫探無窮僕夫引筇杖

六時泉

常道觀後有泉一眼四圍甃石長五尺闊三尺深二尺以子寅辰午申戌六時有水盈溢丑卯巳未酉亥六時便涸故名六時泉泉味清冽

僻處名泉世罕聞南陽水說竝空文盈虛似與江潮別消  
息還將晝夜分

天設洞

振衣更尋幽絕壁復巉巖歷險攀老藤披雲躡危棧一洞  
名天設巖穴小於棧中多斧鑿痕半爲人工剡僕從不解  
奇徒令生微莞欲上斷蹊徑落日驚老眼

遊青城山回灌口示孫乾泰大令

筋力喜未衰遊山遂所欲躋蹬歷青城庶幾超塵俗空洞  
七十二奇峯三十六山有三十六峯七十二洞見杜光庭青城山記澄懷石澗寒  
幽情雲氣蓄古木陰森森無處非林麓棲鳥雜猿猱危徑  
絕樵牧行逢采藥童居有仙人屋紆迴興未窮日短看不  
足徒步慣支筇冥搜須秉燭竊恐怪物多欲進旋惴縮安  
能驅猛虎逍遙騎白鹿回首憚征途畱詩誌信宿

過龍溪陳方來上舍園亭

行到溪喧處尋幽一解鞍亭臺欣有託泉石得無看日暮  
雲如凍杯深酒易寒梅梢花欲放瘦倚竹闌干

大霧上娘子嶺

馬頭忽訝礙青山暗裏微聞鳥語蠻白髮羞窺娘子面故  
教寒霧鎖雲鬟

再遊汶川胡氏園林

縣小非通衢境僻卽樂土羨茲築室餘更結藏花塢蒼藤  
雜叢篠老樹風霜古壘成峭石巖斜徑入蔬圃猿啼隔溪  
山雞鳴及肩堵頗得田家趣聊慰征途苦晚來移舊榻茶  
煙裊幾縷

自保縣至茂州作

福緣寺裏柏森森

寺去保縣八里唐剎也寺內古柏夾林千餘年物

白水村前香

氣深

是村產香料

極目亂山青不了何妨馬上寄閒吟

逡巡又過鳳毛坪九頂嵐光落日橫

九峯山居民又稱九頂山

莫道蠻

程多寂寞迢迢一路聽江聲

再至茂州使解江聲閣已圯賦此誌感

六載從軍去江聲小閣閒此來空側耳無處可舒顏檻折

雲留影梯摧薜積斑斜陽仍戀舊餘韻任潺湲

自茂州至黛店宿

擦耳崖邊鳥擲梭木樨鋪畔暮雲多征塵弗怪侵霜鬢黛  
店黃沙擁翠螺

宿沙灣寄徐達三司馬

圖書襖被逗沙灣一夜江聲戶牖閒挑盡孤燈驚歲晚吟  
殘秃管屬身閒從軍在昔同聽雨于役而今獨看山錦里  
梅花應有信故人可復唱陽關

行抵松州聞果賊已知我兵將至因改道松岡取  
徑拉沓溝而前

人性多善良蕃情何壑慄殺奪事無休案牘積云夥是役  
烏可宥賊自知懼禍整旅未出關震霆已遠播賊復思潛

蹤竄身將避我我旣燭其姦遂閉北門鎖改途之松岡權  
變期帖妥有馬銜檠行有卒聚糧裹津埃禁呼喧炊爨忌  
灼火迅速走兼程下令毋少惰長驅乘不意擣穴碎么麼  
徑指拉沓溝豈患路坎坳攀援各努力奮踴忘破礮棱棱  
風雪威手皸膚欲破翦惡識天心決勝計匪左

自松州返轡重歷茂州至保縣作

看山未到看梅花一帶蠶陵古道斜幾載往來風土熟不  
遑畱勸種桑麻

曉發度索橋行保縣道中

得得馬蹄忙繩橋踏曉霜溪聲摩石壁野趣入村莊匝樹  
寒煙白荒坡凍草黃頻年經跋涉筋力幸差彊

重修宋丞相謝德方墓碑

保邑西復西有里名通化一坊矗巍然特表宋臣謝屈指  
軍興年我屢過其下戎馬正倥傯搜討未云暇今來采風  
俗遺蹟思發幽居民曰保縣在宋爲威州南渡有丞相家  
於謝山陬歿後瘞山麓代閱五百秋崩沙霾古墳碑首無  
圭撮鳩力捐層沙復出舊時穴礮石重新之永久期弗滅  
淑慝在昔人改世任旌別公職諫官日陳疏多讜言讒佞  
謂當遠忠良謂當存鞠獄須詳慎載雪劉漢徐元冤五謀  
禦彊敵夢寐恢中原洎應二府命勸帝先育德防微杜其  
漸勿令左右測卓爾樹典刑何圖召攻擊希榮進琴鑪頗  
爲我公惜公生湔氐道山川鍾偉人行藏表士節規矩扶  
羣倫身僑豫章郡魂遊岷江濱徘徊奠三爵霜吹寒荆榛

登籌邊樓寄朱景韓大令

昨由錦里登車時黃梅滿樹月滿墀攬衣欲去猶未去急  
彈古調含悲思山左朱髯劇好事邀客張燈賦離字預約  
升菴遲我歸更闌縱飲百杯醉贈行畱別各有言長篇累  
牘烏辭煩或道吟鞭幾日返或嗟歲晚方臨蕃自從揮手  
西郊外沙礫侵人太無賴霜霧濛濛風裂膚打頭雪片如  
掌大征鞍不出松州關恐令果賊潛逞奸改途拉沓溝中  
進試歷籌邊樓下山朝來登樓舒遠目寒雲漠漠籠空木  
石火光陰易老身遨遊塵海空奔逐興懷裁句寄朱髯內  
地年殘風亦尖應候梅花開爛漫清芬菽菽浮疏簾把酒  
對花應憶我交情何似詩情可夜窗寂歷讀書聲茶鐺燒  
斷松肪火

曉發維州



曉霜澹簷際去去維州城寒雲漏朝旭欲陰還欲晴哀猿  
挂樹叫班馬迎風鳴山空少人跡溪凍息水聲涉澗慮冰  
滑登棧幸身輕世途縱艱險奈我慣長征悠悠邁軸倫蝸  
角靜靡爭斯時尚高臥樂哉羲皇情

征婦泣

過雜谷  
腦作

霜風吹大壑積雪明前邱行行歷村墟木杪懸高樓中有  
幽思婦年少哀涕流泣聲雜悲語嗚咽訴其由結髮爲夫  
婦相聚纔一秋挑兵去五載荷戈征金匱前年苦戰死白  
骨無人收孤魂飄何處翦紙招難求今春聞奏凱逐隊兵  
還休鏡臺共團圓醺酒懽言酬獨我夫不歸枉自期封侯  
肝腸裂寸寸骨肉爲髑髏酸言寧忍聽文通恨彌適掩耳  
急驅過鳥能片時畱

風雪投楸坻寄逢書農民部胡行偕中翰

朝發泊頭寨暮宿楸坻濱  
澌澌溪流響地溼無沙塵  
風雪吹竟夕寒冽氣逼人  
燈火猶未上山閒飛青燐  
憶昨軍興日楸坻成通津  
商賈羣輻輳居民結比鄰  
我亦解鞍駐築館臨水滢  
甲午春余駐楸坻督運會築浚波小館居之  
更有同志侶嘯傲吟好春  
自從凱旋後此地仍荒榛  
故友各歸去迅速不停輪  
或已返郎署或尚爲蜀賓  
時書農已回民部行偕尚留錦江  
晨星感零落懷舊空傷神  
豈意我再至霜雪欺客身  
寄言凌雲客歲晚宜自珍

歷馬懦寨

遐荒六載中不知幾經度  
馬懦舊嵯峨朝夕織苦霧  
兵後我重來蕭瑟傷歲暮  
人蹤雜虎跡片片寒氷沍  
夜深萬籟

息霜月自東吐念茲倦遊侶中懷向誰訴

十五日夜結營直固山下月中見微雪霏霏洵奇  
景也記之以詩

直固山高高接天峯峯戴雪百里連松皮覆屋棲其下居  
人凜凜寒終年旅客策蹇每多患深者雪窠狹者棧亂石  
嶙峋凍欲皴寒光刺目駭流盼我數經過險屢憑墮人落  
馬心魂驚何期今日復歷此重與山靈結寒盟日暮茫茫  
暗千嶂軍營散結層冰上把酒長歌瓊帳中當筵舞劒神  
偏壯須臾皓月下山來清輝皎皎山洞開倏爾銀蟾散玉  
屑恍如白晝飄殘梅怪余數有探奇癖山靈特此顯奇跡  
始知造化變幻多欲寫奇觀無健筆

梭木寨樓居對月懷沈萊友太守

與君春首別轉盼歲忽殘悠悠一載中離懷縈肺肝別時  
升菴前梨花開幾團我爲寫橫幅君詩題其端念念赴西  
徼凱兵絡繹還後以屯政羈旋車秋鳴蟬錦里駐四月梓  
州遙隔天聞君患癰疾徧體生苔錢疥痒無晷停稍減眠  
與餐安得麻姑爪著意爬背肩雖云烏足慮氣血終被煎  
急宜搆良劑一掃沈疴痊仲冬緹陽始我將征北邊臨岐  
說旌旆計日來省垣據鞍豈能待恨少聚首歡離情旣永  
久雜慮恆相牽我之捕賊舉不更尋江源改途趨拉沓熟  
籌求百全冰雪跨十丈戎旅溢三單倘能應弦獲痛快除  
頑奸今夜月何皎樓頭清光寒俯仰三歎息老淚沾素紈  
懷人感孤翼相思夢頻頻吟成聊寄遠逸調從空彈

殘冬塞上旅感

籌邊不覺又殘冬西北頻添雪裏蹤贏得囊中詩漸滿吟  
情多半在寒峯

未握兵符令亦嚴羌夷丁壯隊旋添山明夜火驚棲鳥列  
帳欣無寂寞嫌

宵行畫騁越峻嶒偵探前途往返仍爲報蠻溪馬可度曉  
看狐跡滿層冰

梭木樓居夜坐

岬岬樓頭寄霜棱撼疾飈不妨山鬼叫篝火讀離騷  
夜氣清如此更殘月倍明一窗虛白裏悄坐聽猿聲

過馬鳴橋

馬鳴橋上夕陽斜一片寒光漾水涯羌笛不知何處起數  
聲吹散隴頭鴉

宿卓克采平樓懷覺羅仲調銓部兼柬呂靖亦比部

無端行色逐征塵水送山迎一葉身到此更棲樓上榻夢

回重憶酒邊人也知別後分芳躅

仲調於夏六月回都靖亦尚居錦里隨鄂漕運

辦理軍需銷案

不道書來痛鮮民

仲調回都後卽抱夢莪之痛

歲晚相思風雪

裏終宵棖觸夢痕頻

冬盡日松岡樓居獨酌

集陶

鬱鬱荒山裏孤雲獨無依淒厲歲云暮惻愴多所悲姿年逝已老泣然沾我衣猛志故常在壯節忽失時勉勵從茲役

君命安可違中宵竚遙念計議初無虧人生豈不勞何事繼塵羈傾身營一飽孰敢慕甘肥白髮披兩鬢登高賦新

詩到氣侵襟一觴聊可捐

殘夜寄徐敬燧州倅

集陶

相知何必舊情欣新知懽樂與數晨夕高操非所攀栖栖失羣鳥榮榮窗下蘭悲風愛靜夜一心處兩端自古歎行役千載乃相關目倦川途異弗獲辭此難歲月將欲暮寒雲沒西山鬢毛蚤已白吾身夢幻閒揮杯勸孤影綠酒開芳顏不見相知人惆悵念時餐

二十六日松岡立春

天末東風拂裊輕迢迢來自錦官城時當歲暮寒猶烈春到羌原日乍晴白髮題詩無剩語

浮杯和尚無剩語事見傳燈錄

亂山吹

角有新聲莫嫌荒微多寥寂把酒樓頭慰遠情

從軍硯

有序

硯長四寸八分闊三寸二分高二分端溪老坑產也自辛卯歲攜入西徼軍營無一日去左右烽燧頻經雪霜竝歷今春凱旋名之曰從軍硯

老硯隨吾久年年倚凍呵戰場驚其歷詩境感相摩冷淝蓬婆雪清沾大渡波匣中攜七載客況爾知多

除夕松岡樓居度歲

星紀互旋轉歲序茲已周剎那駒過隙彌年客無休遐方曠遙念修途阻遠游雪荒徼外山雲冷川上樓樓居日將夕歸鳥聲啾啾風沙澹餘暉簷際嶂影收今夜少人事熒熒燈光浮垂簾凡響靜默坐天機流豈不感離別心枯境逾幽蕭然還獨詠長歎遣百愁

除夕夜半知制府富察惺亭公以賤名列薦卓異



感而有作同薦者達州牧伊爾根覺羅承越嵩別

駕劉炳雙流令馮丹灌令孫天崇寧令孫念富順

令伊爾根覺羅德隆昌令朱雲射洪令臧榮永寧

令范櫟松州照磨王允資陽尉郭于十二人也

三載重考績黜陟幽與明茲典溯崇古用以敦所榮俊父

果在職要惟觀厥成條條計實政方可資定評錄取苟在

貌糟粕遺菁英徒使守真者抱屈鳴不平是薦人十二一

一才掣鯨勛名策高足身涖有賢聲獨我作蜀吏七載從

軍行教養無寸績慚愧入鑑衡況兼馬齒長敢與羣駒爭

除夜獲公牘受寵心若驚

男淳孫樞校刊

銅鼓書堂遺藁卷二十一終